

2020-2021

年度

香港華仁書院 中國語文科

中三級 文言自習篇章

### 第一篇

#### 《左忠毅公傳（節錄）》 戴名世

初，大興人史可法，幼貧賤，奉其父母居於窮巷，光斗為督學，可法以應童子試見光斗，光斗奇之，曰：「子異人也，他日名位當在吾上。」因召之讀書邸第，而時時饋遺其父母費用。一日，光斗夜歸，風寒雨雪，入可法室，見可法隱几假寐，二童子侍立於旁，光斗解衣覆之勿令覺，其憐愛之如此。及光斗逮繫，可法已舉於鄉矣。可法知事不可為，乃衣青衣攜飯一盂，佯為左氏家奴納橐餽者，賄獄卒而入，見光斗肢體已裂，抱之而泣，乃飯光斗。光斗呼可法而字之曰：「道鄰宜厚自愛，異日天下有事，吾望子為國柱石。自吾被禍，門生故吏，逆黨日邏而捕之，今子出身犯難，徇硜硜之小節，而撓奸人之鋒，我死，子必隨之，是再戮我也。」可法拜且泣，解帶束光斗之腰而出。閱數日光斗死，可法仍賄獄卒入收其屍，糜爛不可復識，識其帶，乃棺而殮

之，得以歸葬。後可法果以功名顯。

## 第二篇

### 《修身（節錄）》 荀子

見善，脩然，必以自存也；見不善，愀然，必以自省也。善在身，介然，必以自好也；

不善在身，菑然，必以自惡也。故非我而當者，吾師也；是我而當者，吾友也；諂諛

我者，吾賊也。故君子隆師而親友，以致惡其賊。好善無厭，受諫而能戒，雖欲無進，

得乎哉？小人反是，致亂而惡人之非己也，致不肖而欲人之賢己也，心如虎狼，行如

禽獸，而又惡人之賊己也。諂諛者親，諫諍者疏，脩正為笑，至忠為賊；雖欲無滅亡，

得乎哉？

### 第三篇

#### 《狼》 蒲松齡

- 1 一屠晚歸，擔中肉盡，止有剩骨。途中兩狼，綴行甚遠。
- 2 屠懼，投以骨。一狼得骨止，一狼仍從。復投之，後狼止而前狼又至。骨已盡矣。而兩狼之並驅如故。
- 3 屠大窘，恐前後受其敵。顧野有麥場，場主積薪其中，苫蔽成丘。屠乃奔倚其下，弛擔持刀。狼不敢前，眈眈相向。
- 4 少時，一狼徑去，其一犬坐於前。久之，目似瞑，意暇甚。屠暴起，以刀劈狼首，又數刀斃之。方欲行，轉視積薪後，一狼洞其中，意將隧入以攻其後也。身已半入，止露尻尾。屠自後斷其股，亦斃之。乃悟前狼假寐，蓋以誘敵。
- 5 狼亦黠矣，而頃刻兩斃，禽獸之變詐幾何哉？止增笑耳。

## 第四篇

### 《馬說》 韓愈

- 1 世有伯樂，然後有千里馬。千里馬常有，而伯樂不常有。故雖有名馬，祇辱於奴隸人之手，駢死於槽櫪之間，不以千里稱也。
- 2 馬之千里者，一食或盡粟一石。食馬者，不知其能千里而食也。是馬也，雖有千里之能，食不飽，力不足，才美不外見，且欲與常馬等不可得，安求其能千里也。
- 3 策之不以其道，食之不能盡其材，鳴之而不能通其意，執策而臨之，曰：「天下無馬。」嗚呼！其真無馬耶？其真不知馬也！

## 第五篇

### 《對楚王問》 宋玉

- 1 楚襄王問於宋玉曰：「先生其有遺行與？何士民眾庶不譽之甚也？」
- 2 宋玉對曰：「唯，然，有之！願大王寬其罪，使得畢其辭。客有歌於郢中者，其始曰《下里》、《巴人》，國中屬而和者數千人；其為《陽阿》、《薤露》，國中屬而和者數百人；其為《陽春》、《白雪》，國中屬而和者，不過數十人；引商刻羽，雜以流徵，國中屬而和者，不過數人而已。是其曲彌高，其和彌寡。故鳥有鳳而魚有鯤。鳳凰上擊九千里，絕雲霓，負蒼天，翱翔乎杳冥之上；夫蕃籬之鷦，豈能與之料天地之高哉？鯤魚朝發崑崙之墟，暴鬣於碣石，暮宿於孟諸；夫尺澤之鯢，豈能與之量江海之大哉？故非獨鳥有鳳而魚有鯤也，士亦有之。夫聖人瑰意琦行，超然獨處，夫世俗之民又安知臣之所為哉？」

## 第六篇

### 《說虎》 劉基

虎之力於人不啻倍也。虎利其爪牙，而人無之，又倍其力焉，則人之食於虎也，無怪矣。然虎之食人不恆見，而虎之皮人常寢處之，何哉？虎用力，人用智；虎自用其爪牙，而人用物。故力之用一，而智之用百；爪牙之用各一，而物之用百，以一敵百，雖猛不必勝。故人之為虎食者，有智與物而不能用者也。是故天下之用力而不用智，與自用而不用人者，皆虎之類也，其為人獲而寢處其皮也，何足怪哉！

## 第七篇

### 《學問與遊歷（節錄）》 佚名

- 1 坐井觀天，曰天小者，非天小也，其所見小也。夏蟲不可與語冰，非無冰也，以其未見冰也。淺隘之子，蟄居鄉曲，見聞有限，遇事好以臆度，中者十一，不中者十八九，皆坐井觀天，夏蟲語冰類也。故欲獲得真知灼見，則遊歷尚矣。
- 2 或者曰：不有學問在乎？當夫獨居斗室，左圖右史，宇宙之大，古今之奇，心與神會，彷彿見之，所謂不出戶庭，知天下事也。奚事背鄉井，犯霜露，僕僕於途道間乎？
- 3 不知世間事物，求諸文字，恆不如親見之真切。是以博學如蘇子，必月夜泛舟，始解石鐘之旨。雄武如趙王，必微服入秦，始悉鄰國之情。未有憑虛擬議，能得其真相也。況今者學術日進，世變日繁，吾人論事度理，苟不先為精密之觀察，即末由下正確之決斷。捫燭扣盤，謂日之形如鑰，日之聲如鐘，正因未嘗目睹，逞臆見以揣測耳。然則空談學問，不一親歷其境，其知識且不足恃，安有所謂發見或發明乎？

## 第八篇

### 《養竹記》 白居易

- 1 竹似賢，何哉？竹本固，固以樹德，君子見其本，則思善建不拔者。竹性直，直以立身，君子見其性，則思中立不倚者。竹心空，空似體道，君子見其心，則思應用虛者。竹節貞，貞以立志，君子見其節，則思砥礪名行，夷險一致<sup>5</sup>者。夫如是，故君子人多樹為庭實焉。
- 2 貞元十九年春，居易以拔萃選及第，授校書郎，始於長安求假居處，得常樂里故關相國私第之東亭而處之。明日，履及於亭之東南隅，見叢竹於斯，枝葉殄瘁，無聲無色。詢於關氏之老，則曰：「此相國之手植者。自相國捐館，他人假居，由是筐篋者斬焉，篲帚者刈焉，刑餘之材，長無尋焉，數無百焉。又有凡草木雜生其中，葳蕤蒼鬱，有無竹之心焉。」居易惜其嘗經長者之手，而見賤俗人之目，翦棄若是，本性猶存。乃芟翳薈，除糞壤，疏其間，封其下，不終日而畢。於是日出有清陰，風來有清聲。依依然，欣欣然，若有情於感遇也。
- 3 嗟乎！竹，植物也，於人何有哉？以其有似於賢，而人愛惜之，封植之，況其真賢者乎？然則竹之於草木，猶賢之於眾庶。呼！竹不能自異，唯人異之。賢不能自異，唯用賢者異之。故作《養竹記》，書於亭之壁，以貽其後之居斯者，亦欲以聞於今之用賢者云。

成語自習(上學期)

1	叱咤風雲	形容聲勢威力極大，足以左右情勢。		
	同義	氣吞山河	反義	忍氣吞聲、仰人鼻息
2	兄弟鬩牆	比喻儘管內部不和，但大敵當前，必須一致對外。也作「兄弟鬩牆，外禦其侮。」		
	同義	同室操戈	反義	同心同德、風雨同舟
3	另起爐竈	比喻重新做起、另立門戶，或另外搞一套。		
	同義	別出心裁、自出機杼、別具匠心	反義	蕭規曹隨、墨守陳規
4	四面楚歌	比喻四面受敵，處於孤立無援的困境。		
	同義	陷入重圍、孤立無援	反義	常山蛇陣、首尾呼應
5	出口成章	形容口才好，或心思敏捷。		
	同義	出言成章	反義	笨口拙舌
6	出言不遜	指說話不客氣，沒有禮貌。		
	同義	出言無狀	反義	彬彬有禮、畢恭畢敬
7	出神入化	形容文學或藝術到達高超絕妙的境界。		
	同義	鬼斧神工、神乎其技	反義	
8	出將入相	指文武兼備，也指官居高位。		
	同義	能文能武	反義	平庸之輩
9	出淤泥而不染	比喻人不受環境的影響。		
	同義	蓬生麻中，不扶而直	反義	白沙陷泥，與之俱黑
10	出爾反爾	本指你怎樣對待別人，別人也怎樣對待你。今指言行前後矛盾，反覆無常。		

	同義	反覆無常、言而無信	反義	言而有信
11	石破天驚	比喻文章議論或事件奇異驚人。		
	同義	驚天動地	反義	平淡無奇
12	平步青雲	比喻不費力登上顯貴的地位。		
	同義	一步登天、扶搖直上	反義	販夫走卒、默默無聞
13	打躬作揖	指從前男子見面恭敬行禮。也形成恭順的樣子。		
	同義	打恭作揖	反義	目無餘子、唯我獨尊
14	甘拜下風	形容真心佩服別人。		
	同義	心悅誠服、五體投地、甘居人後	反義	不甘示弱、不甘後人
15	未卜先知	形容有預見。		
	同義	料事如神、不待蓍龜	反義	
16	未雨綢繆	比喻事先做好防備工作。		
	同義	曲突徙薪、防患未然、有備無患	反義	亡羊補牢、臨渴掘井、江心補漏
17	玉石俱焚	比喻不分好壞，同歸於盡。多指戰爭雙方一同被消滅。		
	同義	同歸於盡、蘭艾同焚	反義	
18	以逸待勞	本指作戰時採取守勢，避開敵人的精銳，等敵人疲勞後，在乘機出擊，取勝。		
	同義		反義	
19	以卵投石	比喻不自量力，自取滅亡。也作「以卵擊石」。		
	同義	不自量力、飛蛾撲火	反義	勢均力敵、不分軒輊
20	以訛傳訛	把錯誤的東西又信以為真地傳開去，結果越傳越錯誤。		
	同義	訛以滋訛、捕風捉影、道聽塗說	反義	言之有據

成語自習(下學期)

1. 不毛之地	形容土地荒涼、貧瘠。		
同義	不食之地	反義	沃野千里、魚米之鄉、天府之國
2. 不平則鳴	指人遇到不公平的事，就會發生不滿的聲音或反抗。		
同義	不平之鳴、物不平則鳴	反義	忍氣吞聲
3. 少不更事	形容缺乏經驗。		
同義	嘴上無毛辦事不牢	反義	老成持重、少年老成
4. 中流砥柱	比喻有重要作用的堅強力量，或重要人物。		
同義	國之棟梁、一柱擎天	反義	無名小卒、芸芸眾生、匹夫匹婦
5. 中飽私囊	從中貪汙。		
同義	貪贓枉法	反義	涓滴歸公
6. 日暮途窮	比喻力盡計窮，末日來臨。		
同義	山窮水盡、窮途末路	反義	方興未艾、欣欣向榮、前程萬里
7. 日薄西山	比喻人已到暮年或事物已到盡頭。		
同義	日薄崦嵫、日暮途窮	反義	青春年華、方興未艾、來日方長
8. 毛骨悚然	形容非常害怕。		
同義	不寒而栗、怵目驚心	反義	不驚不懼
9. 毛遂自薦	比喻自己推薦自己去擔負重任。		
同義	挺身而出、自告奮勇	反義	急流勇退、讓位於賢

10. 反唇相譏	受到指責，不服氣而指責對方。		
同義	針鋒相對	反義	逆來順受
11. 分道揚鑣	今多用來比喻各人的志趣目的不同，各奔前程。		
同義	各奔前程	反義	蕭規曹隨、如出一轍
12. 火傘高張	形容酷日高照。		
同義	豔陽高照、烈日當空	反義	淫雨綿綿、烏雲滿天
13. 方興未艾	含褒義。形容事物正處興盛階段，或正在蓬勃發展。		
同義	欣欣向榮、蓬勃發展	反義	江河日下、日陵月替
14. 文質彬彬	今多指人品學兼優溫文儒雅。		
同義	溫文爾雅	反義	販夫走卒
15. 去蕪存菁	除掉蕪雜，保留精華。		
同義	披沙簡金、去粗取精	反義	優莠不齊
16. 鉅細靡遺	表示做事細密周詳。		
同義	巨細畢究	反義	丟三落四、粗枝大葉、徙宅忘妻
17. 世態炎涼	人在得勢時，便被巴結奉迎；失勢時，便被冷淡疏遠。		
同義	世風日下	反義	民淳俗厚
18. 功虧一簣	比喻只差最後臨門一腳而沒有成功，含有惋惜之意。		
同義	功敗垂成	反義	大功告成、善始善終
19. 目光如炬	本指發怒時，眼光銳利逼人。今多表示見識高明、深遠、透徹。		
同義	高瞻遠矚	同義	高瞻遠矚
20. 瓜田李下	指易使人心生嫌疑的行為。		
同義	瓜李之嫌	反義	涇渭分明

